



**GOD**

**I TOK PLIS NO  
KEN GO LONG**

**HEL**

*"I no gat wanpela i save gut. I no gat wanpela i save wok long painim God." (Rom 3:11) Olgeta manmeri i no wok long painim God. Tasol long laikim tru bilong Em, God i wok long painim ol manmeri bilong ol i no ken go long hel.*

*"Olsem sipsip yumi olgeta i bin lusim rot, yumi olgeta wan wan i bin tanim i go long rot bilong em yet." (Aisaia 53:6) "Tasol God i soim Em i laikim yumi tru olsem, taim yumi stap sinman yet, Kraist i bin i dai bilong kisim bek yumi." (Rom 5:8) "Yupela mas painim Bikpela taim yupela inap kisim Em, yupela mas singaut long Em taim Em i stap klostu." (Aisaia 55:6) Taim Spirit bilong Em i wok yet long bel bilong yu, plis, no ken go long hel.*

*"Tru tumas Mi tokim yupela, Man i no save go insait long dua bilong banis bilong sipsip, tasol em i save kalap long banis long narapela hap, kain man olsem em i stilman na raskel." (Jon 10:1) Yu no inap go long Heven long yu stap sios memba o ol gutpela wok bilong yu. Nogat. Long blut bilong Jisas na em tasol. Plis no ken go long hel.*

*"Jisas i tokim em, Mi yet Mi rot, na Mi as bilong tok tru, na Mi as bilong laip. I no gat wanpela man inap kamap long Papa long narapela rot. Nogat. Long Mi tasol." (Jon 14:6) Hia God i tok gen, sapos yu go long Heven, yu mas go long Pikinini Man bilong Em, Jisas Kraist. I no gat gutpela as long yu long go long hel.*

*"I no gat wanpela man inap kam long Mi sapos Papa, Man i bin salim Mi i kam i no pulim dispela man i kam.*

*Na bai Mi kirapim em long las de."* (Jon 6:44) Taim yumi lukim yumi yet i sinman na meri long ai bilong God na yumi klia Jisas Kraist na Em tasol i rot i go long Heven, Holi Spirit i tok, "Plis no ken go long hel."

*"Olgeta man Papa i givim Mi bai ol i kam long Mi. Na man i kam long Mi, bai Mi no rausim em. Nogat tru."* (Jon 6:37) Taim yumi nogat nid long samting, yumi save rausim. Tasol God i no inap rausim yumi taim yumi kam long Em. Em i askim yumi strong olsem no ken go long hel.

*"Na God i bin makim wanpela taim bilong ol man i mas i dai. Na bihain long dispela i gat kot."* (Hibru 9:27) *"Orait bilip tru i save kamap long taim ol i harim, na ol dispela samting ol i harim i kam long tok bilong God."* (Rom 10:17) Taim yumi harim Tok Bilong God pinis yumi mas kisim Em bikos bihain long dai, em bai bihaintaim tumas. Plis no ken go long hel.

*"I no ken tru! Yes, God i ken i stap tru tasol olgeta man i stap man bilong giaman. Olsem rait i stap pinis, Olsem na long ol tok bilong yu, yu ken i kamap stret long ai bilong God, na yu ken win tru long kot."* (Rom 3:4) Maski ol man bai tok wanem, Tok Bilong God em i tru. Olsem na, plis no ken go long hel.

*"Mi tokim yupela, Nogat tru. Tasol sapos yupela i no tanim bel, bai yupela olgeta i bagarap olsem tasol."* (Luk 13:5) Tanim bel em we yumi i save lukim yumi yet olsem God i save lukim yumi, tan na lusim sin bilong yumi, na kam long Jisas Kraist, na bilipim Em bai kisim bek yumi.

no tanim bel na yu go het na givim baksait long Jisas Kraist olsem Peman bilong yu, bai yu no inap go insait long kingdom bilong Heven. Plis no ken go long hel.

Papa bilong mi long Heven, long nem bilong Jisas Kraist, mi askim yu long givim strong long husat i bin ritim dispela tok long go het na mekim dispela prea bilong ol sinman na meri na mekim wantaim bel bilong ol olgeta.

## **PREA BILONG OL SINMAN NA MERI**

Dia Bikpela, Nau mi save mi wanpela sinman o meri na yu bin dai long mi. Mi sori long ol sin bilong mi, na mi askim yu nau long kam insait long bel bilong mi na kisim bek mi, na kisim mi i go long Heven long taim mi dai. Long nem bilong Jisas, tenk yu Bikpela long kisim bek mi.

Sapos yu bin putim bilip bilong yu long Bikpela Jisas Kraist bihain long taim yu bin ritim dispela gut nius pepa, plis larim mipela i save.



### **FELLOWSHIP TRACT LEAGUE**

P.O. BOX 164 • LEBANON, OH 45036

[www.fellowshiptractleague.org](http://www.fellowshiptractleague.org) © Tract 2203 (Pidgin)

All tracts free as the Lord provides. Not to be sold.